

## 1. Hari AIDS Sedunia

Hari AIDS Sedunia, yang di tetapkan pada 1 Disember setiap tahun, khusus untuk meningkatkan kesedaran mengenai penyebaran virus HIV. Hari AIDS Sedunia tahun ini adalah tentang "Mensifarkan Jangkitan Baru HIV". Sifar diskriminasi dan sifar kematian berkaitan dengan AIDS. Disokong oleh Pertubuhan Bangsa-Bangsa Bersatu (PBB), "Kempen ke Arah Sifar" akan berjalan hingga 2015. Bilangan kematian yang berkaitan dengan AIDS di seluruh dunia menurun untuk tahun kelima berturut-turut tahun lepas, jatuh 5.6% dari 2010 dan 24% berbanding tahun 2005 kepada 1.7 juta orang. Di dua puluh lima buah Negara yang kebanyakannya di Afrika yang di landa dengan serius, jangkitan baru HIV dapat di kurangkan pada masa yang lalu dengan kemajuan pencegahan yang di buat ke arah melindungi kanak-kanak dari virus maut ini. Mencapai sifar jangkitan baru HIV di kalangan kanak-kanak boleh di capai dengan mengawal bayi yang dilahirkan dengan HIV.



Mari kita bersyukur kepada Tuhan atas perkembangan ini. Kita berdoa untuk kesedaran dan tindakan untuk menghentikan jangkitan HIV. Berdoa juga untuk penghidap AIDS yang sedia ada dan pembawa HIV dan keluarga mereka. Kita berdoa supaya ada penemuan perubatan untuk merawat pesakit AIDS.



## 2. Penghujung Tahun

Ramai orang mengambil masa ini untuk menghabiskan cuti tahunan mereka dan melancong bersama dengan keluarga mereka. Ini juga merupakan masa dimana gereja-gereja akan menganjurkan berbagai permainan, karoling dan acara-acara khas dan aktiviti untuk Krismas, serta menghabiskan masa merenung kembali tahun ini dan perancangan untuk seterusnya.

Mari kita berdoa untuk keluarga diberkati kerana mereka perlu berehat sebelum permulaan Tahun Baru. Kita berdoa supaya Tuhan memberkati dan menggunakan setiap aktiviti gereja Krismas untuk memberitakan keamanan, kasih sayang dan kegembiraan kelahiran Kristus. Kita juga berdoa supaya Allah memimpin dan membimbing Gereja ke tahun berikutnya semasa mereka meluangkan waktu mencari-Nya.

### 3. Berdoa Untuk Pengundi



Pengundi adalah penting dalam pilihan raya umum yang akan datang. Mereka akan menentukan kerajaan yang seterusnya untuk memerintah. Ia adalah perkara biasa bagi pengundi untuk mengundi berdasarkan kepentingan individu, etnik atau manfaatnya. Walau bagaimanapun, hasil dan kesan pilihan raya akan melampaui kumpulan individu atau etnik. Keputusannya mempunyai kesan bagi seluruh negara. Oleh itu, ia adalah satu keputusan yang tidak harus dipandang ringan atau dengan kepentingan diri sendiri. Keputusan mesti dibuat demi kepentingan seluruh negara dan untuk kebaikan semua orang. Kita perlu memilih wakil

rakyat dan kerajaan pemerintah yang akan berkhidmat untuk kebaikan semua orang tanpa rasa takut atau memihak.

### 4. Kem Anak-anak Pastor

Kem Anak-anak Pastor ketiga ini merupakan kem tahunan anjuran bersama oleh *Impacting Pastors, Impacting Nations (IPIN)* dan *Persekutuan Kanak-kanak Pastor Malaysia (PKFM)* yang ditaja oleh NECF Malaysia. Ia akan berlangsung dari 17 - 19 Disember di One Hotel Santubong, Kuching. Kem ini adalah khusus untuk anak-anak semua pastor dari umur 15 hingga 25 tahun. Objektif kem ini adalah untuk membantu anak-anak pastor mencari identiti mereka dan berseru kepada Kristus.

Marilah kita berdoa agar kem ini berjalan dengan baik. Kita juga berdoa agar ramai anak-anak pastor dari Malaysia Timur akan disentuh dan dilayani. Di mana mereka mengetahui panggilan Tuhan ke atas kehidupan mereka dan menyahut panggilan tersebut.

